



SARAWAK VOICE

[LAMAN UTAMA](#) [POLITIK](#) [KOLUMNIS](#) [JENAYAH](#) [GLOBAL](#) [EKONOMI](#) [SUKAN](#) [INFOGRAFIK](#)[Utama](#) > [News](#) > Kerajaan cari platform terbaik tangkis berita palsu secara berkesan

Kerajaan cari platform terbaik tangkis berita palsu secara berkesan

- Bernama - December 23, 2017

PUTRAJAYA: Pada Februari lepas Perdana Menteri Datuk Seri Najib Tun Razak mengajak rakyat supaya bersama-sama memerangi penyebaran maklumat palsu yang menjadi ancaman baharu kepada kesejahteraan negara.

Najib berkata serangan minda dan perasaui menerusi penyebaran berita palsu serta fitnah adalah lebih berbahaya dan ia dilakukan oleh pihak tertentu yang mempunyai agenda politik sendiri termasuk menjatuhkan kerajaan yang dipilih secara demokrasi.

Suruhanjaya Komunikasi dan Multimedia Malaysia (MCMC) telah menyiasat 67 kes penyebaran berita palsu dalam media sosial dari Januari 2016 hingga September tahun ini, dan lima kes telah dibawa ke mahkamah.

Dalam tempoh yang sama, sejumlah 1,861 laman sesawang, portal dan blog telah disekat kerana menyebarkan kandungan, maklumat serta berita berunsur palsu termasuk yang boleh mencetuskan kekeliruan dan menjelaskan keharmonian masyarakat berbilang kaum dan agama di negara ini.



Antara berita palsu yang direka oleh pihak tidak bertanggungjawab dan ditularkan secara meluas adalah kenaikan harga minyak, kenaikan tarif elektrik kononnya bagi melindungi Tenaga Nasional Berhad (TNB) daripada kerugian dan SPRM kononnya mendakwa tiada unsur rasuah dalam kes Jabatan Air Negeri Sabah (JANS).

Berikutan penyebaran berita palsu ini telah mendorong kerajaan melalui MCMC untuk membangunkan sebuah portal pada Mac lepas – sebenarnya.my – yang merupakan sebuah pusat sehenti bagi mengekang penularan berita-berita palsu dalam talian.

Menerusi sebenarnya.my, orang ramai boleh menyemak dan melaporkan berita yang belum ditentukan kesahihannya bagi membolehkan ia disahkan oleh saluran rasmi atau agensi kerajaan terbabit.

Menyertai komuniti sebenarnya.my, orang ramai boleh menyemak dan melaporkan berita yang belum ditentukan kesahihannya bagi membolehkan ia disahkan oleh saluran rasmi atau agensi kerajaan terbabit.

Portal itu telah menerima 12.75 juta layaran daripada pengguna setakat ini.



Jadi yang pertama rakan anda yang menyukai ini



NAK TAHU BACAIMANA LEBIH "BANYAK MATA" MELIHAT TAWARAN PRODUK, SERVIS ATAU EVENT ANDA??

ADA 3 PILIHAN IKLAN UNTUK ANDA DI SARAWAKVOICE

KLIK DI SINI SEKARANG UNTUK MAKLUMAT LANJUT!

www.sarawakvoice.com



REEBOK FOOTWEAR



REEBOK FOOTWEAR



UP TO 65% OFF

START SHOPPING NOW

Dalam banyak perkara kerajaan sentiasa berusaha mencari platform bagi menangkis penyebaran berita palsu dalam talian ini kerana saban hari menimbulkan kebencian dan kekeliruan dalam kalangan rakyat terhadap kerajaan.

Pada Oktober lepas, pengguna digemparkan pula dengan kes kebocoran data peribadi kira-kira 46.2 juta pelanggan nombor telefon mudah alih di negara ini dan perkara ini dilaporkan di laman Lowyat.net yang menyiar artikel berhubung kecurian data berkaitan maklumat peribadi besar-besaran untuk dijual.

Salleh segera bertindak dan berkata perbincangan telah dilakukan dengan semua pihak berkaitan untuk mempertingkatkan lagi tahap keselamatan data peribadi pelanggan agar perkara sedemikian tidak berulang.

MCMC pula telah meminta Lowyat.net mengeluarkan berita berbentuk spekulasi itu daripada laman webnya.

Ketua Pegawai Operasi MCMC Datuk Dr Mazlan Ismail berkata perkara itu masih dalam siasatan polis dan tidak ada apa-apa yang perlu dibimbangi kerana MCMC sentiasa mengutamakan keselamatan data peribadi rakyat Malaysia.

Selain itu, MCMC juga bekerjasama dengan Polis Diraja Malaysia untuk melakukan siasatan agar tindakan segera dapat diambil untuk menyelesaikan isu itu.

Sementara itu, pada tahun 2017, KKMM turut giat mempromosikan pembangunan aplikasi teknologi dengan pendekatan Big Data Analytics (BDA) bagi merancakkan pertumbuhan Ekonomi Digital di negara ini.

KKMM dengan kerjasama Unit Pemodenan Tadbiran dan Perancangan Pengurusan Malaysia (MAPNU) dan Perbadanan Ekonomi Digital Malaysia (MDeC) sebagai peneraju pelaksanaan BDA peringkat nasional telah memulakan projek rintis Data Raya Sektor Awam (DRSA) pada tahun 2015 sehingga berjaya pada tahun lalu.

Pelaksanaan projek rintis dan analisis terkini menggunakan data raya ini akan meningkatkan keupayaan kerajaan dalam membuat keputusan berdasarkan fakta dan maklumat yang memenuhi keperluan peringkat serantau dan antarabangsa, sekali gus menyahut saranan Transformasi Nasional 2050 (TN50) dan ke arah mencapai Matlamat Pembangunan Lestari 2030.

Pada Oktober lalu, Najib turut memperkenalkan Strategi "Cloud First" atau Pengkomputeran Awan Pertama yang akan diperkenalkan dalam agenda nasional, bermula dengan sektor awam, kerana ia amat penting bagi transformasi digital organisasi.

Najib berkata penggunaan strategi itu akan membolehkan kerajaan segera melaksanakan perkhidmatan sektor awam inovatif tanpa membabitkan perbelanjaan modal tinggi untuk melabur dalam infrastruktur Teknologi Maklumat (IT) seperti pusat data, pelayan dan penyimpanan data.

Ini membolehkan kerajaan memperuntukkan sumber bagi program-program yang memberi lebih impak kepada rakyat. — BERNAMA

MYSALE

REEBOK
FOOTWEAR



UP TO 65% OFF

START SHOPPING NOW

MYSALE

REEBOK
FOOTWEAR



TAWARAN PRODUK, SERVIS
ATAU EVENT ANDA??

**ADA 3 PILIHAN
IKLAN UNTUK
ANDA DI
SARAWAKVOICE**

KLIK DI SINI SEKARANG UNTUK
MAKLUMAT LANJUT!